

## **MINISTARSTVO ZDRAVSTVA ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 64. stav 5. alineja 3. i stav 8. Zakona o zdravstvenoj zaštiti („Sl. novine FBiH“, broj: 46/10 i 75/13) i Standarda i kriterija za izbor i imenovanje člana Upravnog odbora JU Apoteka „Zdravlje“ Zenica, predstavnika Ministarstva zdravstva Zeničko-dobojskog kantona, čiji je osnivač Grad Zenica broj: 11-30-9202-1/25 od 07.05.2025. godine, Ministarstvo zdravstva Zeničko-dobojskog kantona objavljuje

### **JAVNI OGLAS**

za izbor i imenovanje člana Upravnog odbora JU Apoteka „Zdravlje“ Zenica, predstavnika Ministarstva zdravstva Zeničko-dobojskog kantona

Objavljuje se javni oglas za izbor i imenovanje člana Upravnog odbora JU Apoteka „Zdravlje“ Zenica, predstavnika Ministarstva zdravstva Zeničko-dobojskog kantona.

Mandat člana Upravnog odbora JU Apoteka „Zdravlje“ Zenica, predstavnika Ministarstva zdravstva Zeničko-dobojskog kantona, traje 4 (četiri) godine, uz mogućnost ponovnog imenovanja u skladu sa zakonom.

Član Upravnog odbora JU Apoteka „Zdravlje“ Zenica, predstavnik Ministarstva zdravstva Zeničko-dobojskog kantona, ima pravo na naknadu u skladu sa aktom osnivača, a naknada se isplaćuje iz sredstava zdravstvene ustanove.

### **Opis pozicije**

Djelokrug rada upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13).

Upravni odbor donosi statut, imenuje i razrješava direktora, odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opće akte o unutrašnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog statutom zdravstvene ustanove, odgovara osnivaču za rezultate rada zdravstvene ustanove, odlučuje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove i obavlja druge poslove u skladu sa zakonom i statutom zdravstvene ustanove.

Imenovanje kandidata na poziciju člana Upravnog odbora JU Apoteka „Zdravlje“ Zenica, predstavnika Ministarstva zdravstva Zeničko-dobojskog kantona, vrši Gradsko vijeće Zenica, na konačan prijedlog ministrice Ministarstva zdravstva Zeničko-dobojskog kantona.

Kandidati za imenovanje na poziciju člana Upravnog odbora JU Apoteka „Zdravlje“ Zenica, predstavnika Ministarstva zdravstva Zeničko-dobojskog kantona, obavezni su ispunjavati opće i posebne uvjete.

## **Opći uvjeti za imenovanje**

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije obuhvaćen članom IX. 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Sl. novine FBiH", broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
7. da nije član upravnog odbora, nadzornog odbora ili odbora za reviziju ustanove ili privrednog društva sa većinskim državnim kapitalom,
8. da nije direktor zdravstvene ustanove,
9. da nema privatni i/ili finansijski interes u zdravstvenoj ustanovi u čiji se upravni odbor kandiduje,
10. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne,
11. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

## **Posebni uvjeti za imenovanje**

1. VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja ekonomskog, pravnog ili zdravstvenog smjera,
2. najmanje 5 godina radnog iskustva u struci nakon sticanja visoke stručne spreme,
3. komunikacijske i organizatorske sposobnosti,
4. sposobnost tumačenja ekonomskih, tehnoloških i pravnih analiza i propisa i upravljanja finansijskim sredstvima,
5. stručno znanje iz djelatnosti zdravstvene ustanove, te da je upućen u sadržaj i način njenog rada,
6. rezultati rada ostvareni tokom poslovne karijere, posebno u oblasti zdravstva i zdravstvenog osiguranja.

## **Potrebni dokumenti**

Prijava kandidata na javni oglas treba biti potpisana od strane kandidata i treba da sadrži: kraću biografiju, adresu i kontakt telefon.

Uz prijavu na javni oglas kandidati trebaju dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. univerzitetsku diplomu iz tačke 1. „Posebnih uvjeta za imenovanje“,
2. uvjerenje o državljanstvu ne starije od 6 mjeseci ili ovjerenu kopiju lične karte,
3. dokaz o radnom iskustvu u struci nakon sticanja visoke stručne spreme,
4. ovjerenu izjavu kandidata iz tačke 3. 4. 5. 6. 7. 8. i 9. „Općih uvjeta za imenovanje“,
5. uvjerenje da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri, izdato od nadležnog općinskog suda prema mjestu prebivališta kandidata.

Dokaz da kandidat nije osuđivan za krivično djelo nespojivo sa imenovanjem na poziciju člana upravnog odbora iz tačke 10. „Općih uvjeta za imenovanje“, Ministarstvo zdravstva će zatražiti od kandidata koji bude predložen za konačno imenovanje.

Sa kandidatima koji uđu u uži izbor Komisija za izbor će obaviti intervju. Prije intervjua svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje.

Prigovor se podnosi Gradskom vijeću Zenica u roku od sedam (7) dana od dana dostavljanja obavijesti kandidatu o izvršenom konačnom imenovanju, a kopija prigovora se dostavlja Ombudsmenu za ljudska prava Bosne i Hercegovine.

U skladu sa članom 15. Zakona o ministarskim, vladinim i drugim imenovanjima Federacije Bosne i Hercegovine, lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojskog kantona – Ministarstvo zdravstva, Kučukovići br. 2. 72000 Zenica, sa naznakom:

**„PRIJAVA NA JAVNI OGLAS ZA IZBOR I IMENOVANJE ČLANA UPRAVNOG ODBORA JU APOTEKA „ZDRAVLJE“ ZENICA, PREDSTAVNIKA MINISTARSTVA ZDRAVSTVA - NE OTVARATI“**

Javni oglas će biti objavljen na službenoj web. stranici Vlade Zeničko-dobojskog kantona, dnevnom listu „Dnevni avaz“ i „Službenim novinama Federacije Bosne i Hercegovine“.

Rok podnošenja prijave na javni oglas je 15 dana i počinje teći narednog dana od dana objavljivanja javnog oglasa u „Službenim novinama Federacije Bosne i Hercegovine“.

Neblagovremene i nepotpune prijave će biti odbačene.

